

کہانی نمبر : 1

ٹرم نمبر : 3

سال : 1

قینچی (ہتھیار)

قینچی ہک مفید ہتھیار ہے۔ قینچی لوہے دی ہوندی ہے۔ قینچی ہر
کہارے پچ ہوندی ہے۔ قینچی بزاراں پچ ملدی ہے۔ قینچی نال کپڑے
کپدن۔ قینچی بال کپڑیں واسے بھی استعمال ہوندی ہے۔ قینچی
درزیاں تے نائیاں کول ہوندی ہے۔ قینچی کاغذ کپڑیں واسے بھی
استعمال ہوندی ہے۔ قینچی نال بچیاں نی کھیڈنڑاں چائیدا۔ قینچی نال
بچے دُخمی وی ہوکدن۔

سوالات

1: قینچی نال کے کردن؟

2: قینچی کس چیزاں دی ہوندی ہے؟

کہانی نمبر : 2

ٹرم نمبر: 3

سال : 1

چھری (ہتھیار)

چھری ہک خطرناک ہتھیار اے۔ چھری ہر کمارے پچ ہوندی اے۔
چھری لوہے تے سٹیل دی ہوندی اے۔ چھری نال سبزیاں تے
گوشت کٹیا جلدے۔ چھری بھل کپنڑیں واسے بھی استعمال ہوندی
اے۔ چھری نال جانور بھی دُح کیتے جلدن۔ چھری نال قصائی گوشت
کپدن۔ چھری ہزاراں پچ آسانی نال مل جلدی اے۔ چھری نال چھوٹے
بچیاں نی کھیڈنڑاں چائیدا۔

سوالات

1: چھری کس چیزاں دی ہوندی اے؟

2: چھری نال کس کپدن؟

سال : 1

ٹرم نمبر : 3

کہانی نمبر : 3

قربانی (بڈی عید)

قربانی بڈی عیدی اُتے ہوندی اے۔ بڈی عید مسلماناں دا تہوار اے۔
مسلمان بڈی عیدی اُتے قربانی کردن۔ قربانی کرنے دا بونے ثواب
اے۔ قربانی اُونٹھ، گاں، منج، داندتے بکرے دی ہوندی اے۔ قربانی
دی عیدی اُتے منڈی اوتوں ڈنگر آنڑکے تے کھاراں پچ قربانی کیتی
جُلدی اے۔ قربانی دا گوشت مختلف کھاراں تے گمانڈیاں اُتے تقسیم
کیتا جلدے۔ قربانی دا گوشت غریباں اُتے بھی تقسیم کیتا جلدے۔
قربانی دا گوشت کئی طریقیاں نال پکا کے کھا دا جلدے۔ قربانی ہکی دُوہے
دا خیال رَخرطیں داناں ایں۔

سوالات

1: بڈی عیدی اُتے کس ہوندے؟

2: قربانی دا گوشت کیتھے بندیا جلدے؟

کہانی نمبر : 4

ٹرم نمبر: 3

سال : 1

حج (بڈی عید)

مُسلما ناں اُتے پنج عبادتاں فرض ہین۔ جنہاں حج ہک حج وی اے۔ سال
حج ہک دفعہ حج ادا کیتا جلدے۔ حج بڈی عیدی کولوں پہلے ادا کیتا
جلدے۔ حج خانہ کعبہ حج ہوندے۔ خانہ کعبہ اللہ دا کھارا اے۔ خانہ کعبہ
سعودیہ حج اے۔ خانہ کعبہ حج نماز پڑنے دا بون تو اب اے۔ اُتھے زم زم
دا پائٹریں وی بون زیادہ ہوندے۔ اس پائٹریں حج اللہ پاک سُنر بونوں
طاقت تے شفاء رخی دی اے۔

سوالات

1: سال حج کتنی دفعہ حج ہوندے؟

2: حج کتھے ادا کیتا جلدے؟

کہانی نمبر : 5

ٹرم نمبر: 3

سال : 1

کماہ

کماہ جانوراں دی خوراک اے۔ کماہ ٹہا کے اُتے لگدے۔ کماہ آں
سر ڈوی آخیا جلدے۔ سر ڈگر میاں پچ جمدهے۔ بارشاں توں بعد
کماہ بون بڈا ہو جلدے۔ کماہ درائی نال کپیا جلدے۔ کماہ لوک حشر
نال وی کپین۔ گر میاں پچ لوک کماہ کپ کے سر دیاں آستے ذخیرہ کر
کھندین۔ فر سر دیاں پچ کماہ ڈنگراں اگے پایا جلدے۔ اوہ کماہ کھا کے
ڈنگر آساں دودھ دیندین۔

سوالات

1: ٹہاکیاں دے کماہ آں کے آخیا جلدے؟

2: کماہ کس نال کپیا جلدے؟

کہانی نمبر : 6

ٹرم نمبر : 3

سال : 1

حشر (کہاہ)

حشر بل کے کم کرنے دانناں ایں۔ حشر اں پچ پورے گراں دے لوک
جمع ہونڈن تے فرسارے بل کے کہاہ کپدن۔ کہاہ کپنڑیں واسے لوک
دراٹیاں تیز کردن۔ حشر اں اُتے لوک ٹھولک وی نار دن۔ حشر اں پچ
لوک پکی دُوئے دی مدد وی کردن۔ حشر سہڈے علاقے داہک ہچھا
رَواج اے۔ حشر اتفاق دی مثال اے۔ اللہ تعالیٰ اتفاق آں بُوں پسند
کردن۔

سوالات

1: حشر اں پچ کونڑ جمع ہونڈے؟

2: حشر اں پچ کے کیتا جلدے؟

کہانی نمبر : 7

ٹرم نمبر : 3

سال : 1

جَنج (بِیَاہ)

بِیَاہ ہک خوشی دا تہوار اے۔ بِیَاہ اُتے رشتے دار تے گراں دے لوک
جَمع ہوندن۔ بِیَاہ پچ مختلف قسم دے کم کیتے جلدن۔ انہاں بچوں ہک کم
جَنج وی ہوندے۔ مہندی دے دُوئے دیہاڑے روٹی کھانڑیں کولوں
بعد سارے مرد کُڑی دے کمار جلدن۔ اس طرح کُڑی آلیاں دے
کمار جُلنے والیاں لوکاں جَنج داناں دتا جلدے۔ جَنج کُڑی والیاں دے
کمار جلدی اے تے کُڑی والے انہاں دی خدمت کردن۔ فر جَنج والے
بُہٹی آں کہن کے آ جلدن۔ جَنج دے لوکاں جانجی بھی آخیا جلدے۔

سوالات

1: جَنج کس آں آخیا جلدے؟

2: جَنج دے لوکاں کے آخدن؟

کہانی نمبر : 8

ٹرم نمبر: 3

سال : 1

ولیمہ (دعوت)

ولیمہ بیاہ دی ہک رسم ایں۔ ولیمے پچ روٹی دتی جلدی اے۔ ولیمہ بیاہ
دے تریمے دیہاڑے کیتا جلدے۔ ولیمہ دینڑاں سنت بھی اے۔
ولیمے دی لوکاں دعوت دتی جلدی اے۔ لوک اس دعوت پچ بڑے سچ
دہج کے آندین۔ کھانڑیں داہوں ہچھا انتظام ہوندے۔ ولیمے پچ کھانڑاں
ضرورت دے مطابق کھانڑاں چائیدے۔ کھانڑاں ضائع نی کرنا
چائیدا۔

سوالات

1: ولیمہ کدوں دتا جلدے؟

2: ولیمہ کے ہوندے؟

کہانی نمبر : 9

ٹرم نمبر: 3

سال : 1

سکول

سکول ہک تعلیم گاہ اے۔ جتھے اُستاد بچیاں پڑھاندے، اُس جانی آں
سکول آخدن۔ سکول بچ اُستاد تے بچے ہوندن۔ صبح سکول بچ اسمبلی
ہوندی اے۔ فرسارے بچے کلاساں بچ جلدن۔ کلاساں بچ اُستاد بچیاں
پڑھاندن۔ سکول بچ پڑھائی دے نال نال کھیڈاں وی ہوندیاں ہین۔
انہاں کھیڈاں دے نال بچھیاں دی صحت اُتے ہچھا اثر پیندے۔
بچیاں دا دماغ تیز ہوندے۔

سوالات

1: سکول بچ ساریاں کولوں پہلے کے ہوندے؟

2: پڑھائی دے نال ہور کے ہوندے؟

سال : 1 ٹرم نمبر : 3 کہانی نمبر : 10

اُستاد

سکول بچ پڑھانٹریں والے آں اُستاد آخِرن۔ اُستاد کتاباں پڑھانِرن۔
اُستاد بچیاں پڑھناتے لکھنڑاں سکھانِرن۔ اُستاد بچیاں دی رُوحانی
پَرورش کرِرن۔ اُستاد بچیاں مُلک دا ہچھا شہری بنڑانِرن۔ اُستاد بچیاں
اس قابل بنڑانِرن کہ اوہ آپنڑیں ذندگی ہچھیاں اُصولاں دے مُطابق
گزار ہگن۔ اس کیتے اُستاد دا احترام بُوں ضروری اے۔ اُستاد آں والدین
دا رتہ بھئی دتا جلدے۔

سوالات

- 1: اُستاد کے سکھانِرنے؟
- 2: اُستاد کبھی پَرورش کر دے؟

سال : 1 ٹرم نمبر : 3 کہانی نمبر : 11

شہرٹی

شہرٹی ہک چادر دی قسم ہوندی اے۔ شہرٹی اُن دی بنڑیں دی ہوندی
اے۔ شہرٹی آں سردیاں بچ استعمال کیتا جلدے۔ اس نال سی نی
لگدا۔ شہرٹی بارشیاں توں بچاندی اے۔ شہرٹی مختلف رنگاں دی
ہوندی اے۔ شہرٹی ہزاروں ملدی اے۔ شہرٹی بزرگ آپنڑیں نال ہر
ویلے رخن۔ شہرٹی بارشیاں توں بچاندی اے۔ شہرٹی بوں قیمتی
ہوندی اے۔

سوالات

- 1: شہرٹی کے ہوندی اے؟
- 2: شہرٹی کتھوں ملدی اے؟

سال : 1 ٹرم نمبر : 3 کہانی نمبر : 12

لہنگا

لہنگا دُ لہن دالباس ہوندے۔ لہنگا دُ لہن بیاہ اُتے لاندی اے۔ لہنگے اُتے
کڈھائی ہوندی اے۔ کڈھائی پچ موتی ہوندن۔ موتیاں نال لہنگا
سُسہڑاں لگدے۔ لہنگا بُوں مہنگا ہوندے۔ لہنگا مختلف رنگاں دا
ہوندے۔ لہنگے نال دُ لہن منفر د لگدی اے۔ لہنگا بزارے بچوں مل
ہگدے۔ لہنگا بزارے دی بڈیاں دُوکاناں اُتوں باآسانی مل ہگدے۔

سوالات

- 1: لہنگا کس دالباس ہوندے؟
- 2: لہنگے دارنگ کجھا ہوندے؟

سال : 1 ٹرم نمبر : 3 کہانی نمبر : 13

کہار

انساناں دے رہنٹریں دی جگہ آں کہار آخِین۔ اسی سارے آپنٹریں
کہارے پچ رہنے آں۔ کج کہار نکے ہونڈن تے کج کہار بڈے ہونڈن۔
ذیادہ کہار دو یا ترے کمریاں اُتے مُشتمل ہونڈن۔ کہارے پچ لوک
پھل تے بوٹے لاندن۔ کہارے پچ سبزیاں وی لائیاں جلدیاں۔
آپنٹریں کہارے آں صاف رَخرٹاں چائیدے۔ آپنٹراں کہار ساریاں
پسند ہونڈے۔

سوالات

- 1: کہار کتتیاں کمریاں اُتے مُشتمل ہونڈے؟
- 2: کس دے رہنٹریں دی جائی آں کہار آخِین؟

سال : 1 ٹرم نمبر : 3 کہانی نمبر : 14

بیٹھک

بیٹھک کمار دی مَزمان گاہ ہوندی اے۔ مَزمان کمارے پچ آکے
بہندن۔ بیٹھک پچ کرسیاں تے صوفہ ہوندے۔ مَزماناں دے سینڑیں
واستے بیٹھک پچ چار پائیاں وی ہوندیاں ہین۔ مَزمان اساں دی عزت
ہوندن۔ مَزماناں دی عزت واستے بیٹھک ہمیشہ صاف ستھری رخنڑیں
چائیدی اے۔ بیٹھکاں نال غسل خانہ تے لیٹرین وی ہوندی اے۔
مَزماناں دا بوں خیال رخنڑاں چائیدی اے۔

سوالات

- 1: بیٹھکاں پچ کونڑاں آندے؟
- 2: مَزماناں کتھے بہا لیا جلدے؟

سال : 1 ٹرم نمبر : 3 کہانی نمبر : 15

بزار

بزار بچ دوکاناں ہوندیاں ہین۔ دوکاندار چیزاں بیچدن۔ بزارے بچ بٹوں
لوک ہوندن۔ لوک آپنڑیں ضرورت دیاں چیزاں بزارے بچوں
کہندن۔ بزارے بچوں ہر قسم داسامان ملدے۔ لوک بزارے بچ
آپنڑاں کاروبار کردن۔ آساں بزار بچوں سستیاں چیزاں ملدیاں ہین۔
صاف بزار صاف شہریاں دی نشانی ایں۔

سوالات

- 1: لوک آپنڑاں کاروبار کیتھے کردے ہین؟
- 2: اسی آپنڑیں ضرورت دیاں چیزاں کیتھوں آنڑنے آں؟

سال : 1 ٹرم نمبر : 3 کہانی نمبر : 16

دوکان

دوکاناں اُتوں ضرورت دی ہر شے ملدی اے۔ اسی ساریاں چیزاں
دوکاناں اُتوں آنڑنے آں۔ دوکان ہر محلے پچ ہوندی اے۔ ہر چیزاں دی
دوکان الگ الگ وی ہوندی اے۔ بچے ٹافیاں وی دوکاناں اُتوں
آنڑدے ہین۔ اسی سبزی دی دوکاناں اُتوں سبزی آنڑنے آں۔ بچے
پنسلان تے کاپیاں وی دوکاناں اُتوں آنڑندین۔ دوکاناں صبح سویرے
کھلداں تے راتی ویلے بند ہونداں ہین۔

سوالات

- 1: اسی کتھوں خریداری کرنے آں؟
- 2: دوکان کس ویلے بند ہوندی اے؟